## **KHULASA PARAH NUMBER - 15**

## **SURAH BANI ISRAIL**

- Nabi kareem ke safar isra o meraaj ka tazkirah aur bait ul maqdis ki fazeelat (1)
- 2. Bani israel ka zikr (2-5)
- 3. Jaisa karoge waisa bharoge (7-8)
- 4. Quran ki fazeelat (9)
- 5. Qaumon ki tabahi ke asbaab (16)
- 6. Mukhtalif ehkam: ibadat allah ki, waalidain ke saath husne sulook aur dua, rishte daaron, miskeenon aur musafiron ke huquq ada karne ka hukm, fuzool kharchi se ijtenaab aur bakhili se bachne ka hukm, rozi ke dar se aulad ko qatl na karo, zina ke qareeb mat jao, kisi ko nahaq qatl mat karo, yateem ka maal najayz tareeqe se mat khao, ahed o paimaan ko pura karo, naap tol me kami mat

karo, jis cheez ka ilm na ho uske peeche mat pado, zameen par akad kar mat chalo (23-39)

- 7. Aasman o zameen ki saari chezein allah ki tasbeeh bayan karti hain (44)
- 8. Shaitan insan ka khula hua dushman hai (53)
- 9. Iblees ka sajde se inkar aur uski naafarmi ka bayan (61-69)
- 10. Insaan ki tamam makhluqaat par fazeelat wa bartari ka tazkirah (70)
- 11. Qayamat ke din saari jamaatein apne imaam ke saath bulayi jaayengi (71)
- 12. Tahajjud ki namaz aur nabi kareem ske liye makaam e mahmood ki dua (78-79)
- 13. Quran mukammal shifa wa rehmat hai (82)
- 14. Rooh ki haqeeqat (85)
- 15. Quran ka challenge (88)
- 16. Hazrat musa alaih salaam ko milne wale 9 maujize (101)

## SURAH AL KAHF

- 17. Nabi kareem # ki kuffaar ke imaan laane ki shadeed khwahish aur rab ki naseehat (6)
- 18. Ashaab e kahf ka tazkirah: chand naujawanon ka qaum ki rawish se hat kar tauheed e khaalis ka iqraar, baadshah ke saamne haazri, darbaar me alal elaan tauheed ki gawaahi, gaar me panaah, allah ki qudrat, naujawanon ki hairat, ashaab e kahf ki tadaad, gaar me theherne ki muddat (10-26)
- 19. Kisi bhi kaam ka iraada karein to in sha allah keh lein (23-24)
- 20. Logon ke dar se ya unko khush karne ke liye koi bhi kaam mat karein (28-31)
- 21. Do aadmiyon ki misaal (32-44)
- 22. Duniyawi zindagi ki misaal aur maal wa aulaad ki haqeeqat (45-46)
- 23. Aamaal naame me choti badi saari chezein maujood hongi (49)

- 24. Iblees jinnaaton me se hai, farishton me se nahi (50)
- 25. Hazrat musa alaih salaam wa khizr alaih salaam ki mulaqaat aur uski tafseel: mulaqaat ka pasmanzar aur uski tayyari, waqt ke sabse bade aalim se mulaqaat, musa alaih salaam ki shaagird banne ki khwahish, khizr alaih salaam ka jawaab, musa alaih salaam ka waada, khizr alaih salaam ki teen khilaaf aadat wa aqal kaam, musa alaih salaam ke aiteraazaat aur khizr alaih salaam ke jawaabaat (60-82)